



Konferencija "Uloga advokata pred međunarodnim sudovima" – Izvor: Fond evropskih advokata

CCBE Info

Broj 41
April 2015.

Predsjednica CCBE-a Maria Slazak sastala se s evropskim komesarom za pravosuđe Jourova Verom – Osnovan Fond evropskih advokata – Zakonodavci dogovorili novu direktivu za sprječavanje pranja novca – Britanska vlada priznala prisluškivanje komunikacija između advokata i stranke – Javna nabavka: problem s transpozicijom

PREDSJEDNICA CCBE-A MARIA SLAZAK SASTALA SE S EVROPSKIM KOMESAROM ZA PRAVOSUĐE JOUROVA VEROM

Sastanak održan 23. marta u Briselu bio je prilika za razgovor o pitanjima od važnosti za advokatsku profesiju sa novim komesarom za pravosuđe, zaštitu potrošača i ravnopravnost spolova.

Učesnici su razgovarali o brojnim važnim temama: evropskim inicijativama o krivičnom zakonu, prijedlogu o osnivanju ureda evropskog javnog tužioca, edukaciji advokata, inicijativama o ravnopravnosti spolova, kao i o politici Evropske unije prema susjednim državama i stanju vladavine prava u Ukrajini.

Nakon što je gospođa Slazak izrazila zabrinutost advokata zbog masovnog nadzora komunikacije između advokata i njihovih stranaka, gospođa Jourova je zatražila izvještaje o slučajevima nadziranja advokata, posebno o nedavno prijavljenim slučajevima u Ujedinjenom Kraljevstvu i Holandiji.

Učesnici su se dogovorili da će ostati u kontaktu i nastaviti blisko saradivati.



OSNIVANJE FONDA EVROPSKIH ADVOKATA

Fond evropskih advokata osnovan je 23. aprila 2015.g. na međunarodnoj konferenciji "Uloga advokata pred međunarodnim sudovima".

Glavni govornici sa međunarodnih sudova i Haških tribunala koji su se obratili brojnim učesnicima bili su: sudija Theodor Meron (predsjednik Međunarodnog krivičnog suda za bivšu Jugoslaviju), sudija Alexandra Prechal (Sud pravde Evropske unije), sudija Daniel Nseroko (Posebni sud za Libanon), kao i djelatnici Stalnog arbitražnog suda, Međunarodnog krivičnog

suda i Evropskog suda za ljudska prava.

Glavni cilj novog Fonda je provođenje projekata s dodanom vrijednošću koji će pomoći evropskim advokatima, te provođenje projekata o pitanjima vezanim za pravosudne politike u Evropi. Nadalje, Fond može također provoditi projekte vezane za druge ciljeve, kao što su ljudska prava i vladavina prava.

Pročitajte više: [\[Osnivanje Fonda evropskih advokata\]](#)

ZAKONODAVCI SE SLOŽILI OKO NOVE DIREKTIVE ZA SPRJEČAVANJE PRANJA NOVCA

Evropski parlament i Vijeće ministara postigli su 20. aprila dogovor o revidiranju treće direktive za sprječavanje pranja novca (2005/60/EC).

Tekst donosi brojne promjene za advokatsku profesiju: porezni savjeti koje daju advokati eksplicitno su navedeni u okviru izvještavanja; definicija ozbiljnog kriminala sada se odnosi na porezni kriminal; obveznici provođenja mjera, uključujući i advokate, moraju najmanje pet godina čuvati informacije koje su dobili prilikom procjene stranke.

Uloga samoregulatorajućeg tijela (advokatska komora ili udruženje) je sada zaštićena u smislu izvještavanja prvoj instanci. Direktiva također predviđa da države članice trebaju osigurati sredstva i načine kojima će se postići zaštita profesionalne tajne, povjerljivost i privatnost.

Kada Parlament da svoj pristanak u drugom čitanju, države članice imaju dvije godine da unesu direktivu u svoje zakonodavstvo.

BRITANSKA VLADA PRIZNALA PRISLUŠKIVANJE KOMUNIKACIJE ADVOKAT-STRANKA

Povjerljivost komunikacije između advokata i stranke je osnovna garancija za fer i nepristrasno suđenje. Ipak, britanska vlada priznala je u februaru da su njene obavještajne službe nezakonito pratile razgovore koji su trebali biti zaštićeni kao advokatska tajna. Priznanje je uslijedilo nakon što je pred Istražnim sudom

iznesen slučaj o navodnom mučenju dvojice Libijaca koji su bili u rukama britanskih i američkih agenata 2004. godine.

Pročitajte više: [\[UK priznalo nezakonito prisluškivanje povjerljivih razgovora\]](#)

JAVNA NABAVKA: PROBLEMI S TRANSPOZICIJOM

Direktiva 2014/24/EU od 26. februara 2014.g. o javnoj nabavci ukida direktivu iz 2004. godine i uvodi dodatna pravila za ugovore o javnoj nabavci.

Tokom procesa revizije, CCBE je istakao potrebu očuvanja posebnog statusa pravnih usluga u procedurama javne nabavke. Sada se čini da neke države članice ne primjenjuju pravilno odredbe o pravnim uslugama, posebno u

"pojednostavljenom režimu". Francuske advokatske komore bile su prve koje su zbog toga podigle uzbunu.

U službenom pismu koje je u aprilu poslala komesaru za unutrašnje tržište Bienkowska Elzbieta, predsjednica CCBE-a Slazak Maria upozorila je na probleme koji su prijavljeni u Francuskoj i izrazila zabrinutost da bi i druge države članice mogle isto tako izabrati da ne primjenjuju

direktivu pravilno. Evropska komisija mogla bi pokrenuti formalnu proceduru ukoliko se ne pronađe rješenje; CCBE će zbog toga nastaviti nadzirati situaciju u državama članicama tokom predstojećih mjeseci.

Pročitajte više: [\[Javna nabavka na stranici Evropske komisije\]](#)

PREDSTOJEĆI DOGAĐAJI

28.-29. maj 2015.g.: 123. Plenarna sjednica CCBE-a, Gdansk – događaj otvoren za predstavnike medija